



Republika e Kosovës
Republika Kosovo-Republic of Kosovo
Kuvendi - Skupština - Assembly

LEGJISLATURA IV

Sesioni pranveror

Komisioni për Bujqësi, Pylltari, zhvillim Rural, Mjedis dhe Planifikim Hapësinor

Mbledhja nr. 43

Prishtinë, më 12.1.2012, ora 9,00

Ndërtesa e Kuvendit, salla C-203

PROCESVERBAL
I MBLEDHJES SË KOMISIONIT

Në mbledhje morën pjesë: Nait Hasani, Liburn Aliu, Rasim Demiri, Nijazi Idrizi, Salih Morina, Sevdije Lama, Afërdita Berisha-Shaqiri, Etem Arifi.

Mungoi : Daut Haradinaj.

Të ftuar dhe pjesëmarrës tjerë: Hydajet Hyseni-deputet, zyrtar nga MMPH, nga Ambasada Amerikane, ICO-Lorika Hisari, Gjejlane Hoxha-KKTK, bashkëpunëtor, përfaqësues dhe vëzhgues të interesuar (KDI, OSBE), media.

Stafi mbështetës i komisionit: Bajram Badivuku, Ylber Sherifi.

Mbledhjen e kryesoi **Nait Hasani**, kryetar i komisionit.

Për këtë mbledhje u propozua ky rend dite:

1. Miratimi i rendit të ditës ;
2. Miratimi i Procesverbalit të mbledhjes së komisionit, të mbajtur më 10.01.2012,
3. Shqyrtimi i Projektligjit për fshatin Hoçë e Madhe dhe Projektligjit për qendrën historike të Prizrenit,
4. Të ndryshme.

Kryesuesi konstatoi se janë plotësuar kushtet për fillimin e punës dhe hapi mbledhjen me pikën e parë të rendit të ditës.

1. Miratimi i rendit të ditës

Rendi i ditës u miratua pa ndryshime.

2. Miratimi i Procesverbalit të mbledhjes së mbajtur më 10.1.2012

Kryetari konstatoi se Komisioni miratoi Procesverbalin e mbledhjes së mbajtur më 10.1.2012.

3. Shqyrtimi i projektligjit për Hoçën

Kryetari Nait Hasani përshëndeti të pranishmit dhe ftoi **Xheladin Hoxhën** për sqarime rreth amendamenteve të Qeverisë për këtë projektligj, për të cilat ai tha se duhet të rregullohen ngase nuk plotësojnë kushtin për tu trajtuar si të tilla. Komisioni nxori :

P Ë R F U N D I M

Të rregullohet nga zyrtarët e MMPH-Qeverisë, brenda ditës, shkresa e Qeverisë dt. 15.9.2011 me të cilën janë propozuar amendamentet për projektligjin e Hoçës, në mënyrë që komisioni ti trajtoj vërejtjet ashtu si parashihet me rregulloren e Kuvendit.

Lidhur me projektligjin për Prizrenin **Nait Hasani** konstatoi se vërejtjet e Qeverisë janë dorëzuar në mënyrë jo zyrtare, ndaj këto vërejtje u shpërndanë anëtarëve të komisionit për njoftim. Në vazhdim komisioni vazhdoi me shqyrtimin e vërejtjeve për Projektligjin për fshatin Hoça e Madhe :

Sugjerimi nga **Gjejlane Hoxha** për shtesë në preambulë e cila kërkoi të ceket neni 9 i Kushtetutës, dhe Amendamenti 1 i deputetit **Hydajet Hyseni** rreth riformulimit të titullit të Projektligjit, nuk kaluan. Në vazhdim u miratuan vërejtjet si vijon :

Amendamenti 1

Neni 1, riformulohet :

Qëllimi

Qëllimi i këtij ligji është përcaktimi i rregullave për mbrojtjen, administrimin dhe zhvillimin bashkëkohor të fshatit Hoça e Madhe si pronë e trashëgimisë kulturore në mbrojtje të përhershme dhe të klasifikuar si zonë e veçantë e mbrojtur.

Amendamenti 2

Neni 2, riformulohet si në vijim: “**Me këtë ligj përcaktohet e drejta e administrimit të kufizuar e Fshatit Hoqë e Madhe për mbrojtjen dhe promovimin e trashëgimisë kulturore dhe fetare si dhe te planifikimit rural në pajtim me ligjet në fuqi**”.

Komisioni nuk përkrahu Amendamentin 2 nga **Hydajet Hyseni** ngase konsideroi se është përfshirë vërejtja nga ai me riformulimin e nenit 2 nga komisioni.

Amendamenti 3

Përkrahet Amendamenti 3 i deputetit **Hydajet Hyseni** në formën më të thjeshtuar, si vijon :
Në nenin 3, pika 1. 10, fjala “**Komitet**“ të zëvendësohet me fjalën „**Këshill**“, si dhe në tërë tekstin e projektligjit, fjala “**Komitet**“ zëvendësohet me fjalën “**Këshill**“.

Amendamenti 4

Neni 4, paragrafi 2, riformulohet si ne vijim : “**Këshilli themelohet nga Kuvendi i Komunës së Rahovecit**”.

Neni 4, paragrafi 3 riformulohet si në vijim :

3. Këshilli përbëhet prej shtatë (7) anëtarëve:
- 3.1. katër (4) anëtarë zgjedhën nga Kuvendi i Komunës dhe
 - 3.2. tre (3) anëtarë zgjedhën drejtpërdrejtë nga qytetarët e fshatit të Hoçës së Madhe.

Nuk përkrahet Amendamenti 4, 5 dhe 6 i deputetit **Hydajet Hyseni**.

Pjesërisht përkrahet Amendamenti 1 i Qeverisë (sa i përket numrit të anëtarëve të Këshillit).

Amendamenti 5

Përkrahet Amendamenti 7 nga deputeti **Hydajet Hyseni** me të cilin tek Neni 5.1 fshihen fjalët “...zbatojnë ose integrojnë...”

Neni 5, paragrafi 5 riformulohet si në vijim :

5. Ne rast të mosmarrëveshjeve në mes të Këshillit dhe autoriteteve komunale, palët do të referojnë çështjen në KZM, Këshillit për Trashëgimi Kulturor të Kosovës, Ministrisë së Kulturës dhe Ministrisë së Mjedisit dhe Planifikimit Hapësinor, për shqyrtim.

Amendamenti 6

Përkrahet Amendamenti 8 nga **Hydajet Hyseni** për shtesën në fund të tekstit tek Neni 5 pika 5.2 dhe për shtesën në fund të tekstit tek Neni 6 pika 6.1.1 si vijon :

“si dhe me Konventën e UNESCO-së për trashëgiminë kulturore dhe natyrore, deklaratën universale të UNESCO-së për diversitetin kulturor dhe në Traktatin e Mastrohtit”.

Nuk përkrahet Amendamenti 9 nga deputeti **Hydajet Hyseni** rreth pikës 5.5.

Nuk përkrahet Amendamenti 2 i **Qeverisë** për ta shtuar paragrafin 6 në Nenin 5.

Neni 6, paragrafi 1, rreshti i tretë, fshihen fjalët “autoritet të kufizuar në”.

Nuk përkrahet Amendamenti 3 i **Qeverisë** për të shtuar dy nënparagraf në fund të Nenit 7.

Amendamenti 7

Neni 8, në titull fjala “karakterit” bëhet “karakteristikave”, **paragrafi 1** riformulohet :

“Me qëllim të ruajtjes së strukturës dhe karakteristikës së veçantë të fshatit me planin e konservimit, në bazë të neneve 5 dhe 6 të Ligjit për Zonat e veçanta të mbrojtura, ndalohen përkatësisht kufizohen këto aktivitete :”.

Nuk përkrahet Amendamenti 10 nga deputeti **Hydajet Hyseni** për të bartur disa paragrafë nga Neni 8 tek Nenet 6 dhe 7. I njëjti kërkoi nga komisioni që ti lejohet përmirësimi i Amendamentit për ta sqaruar më vonë për mbledhjen plenare.

Amendamenti 8

Përkrahet Amendamenti 4 i **Qeverisë** si vijon :

Neni 9, zëvendësohet si në vijim :

Neni 9

Procedura e shqyrtimit të kërkesave për leje në kuadër të ZVM

1. Përveç kushteve për dhënie të lejeve që kërkohen sipas legjislacionit në fuqi, procedura për dhënien e kërkesave për leje në ZVM përfshin edhe ndërmarrjen e këtyre veprimeve:

- 1.1. Komuna i dorëzon Këshillit të gjitha kërkesat e shqyrtuara për leje brenda ZVM-së me rekomandimet e saj profesionale;
- 1.2. Këshillit i shqyrton të gjitha rekomandimet për leje në përputhje me ligjet në fuqi;
- 1.3. Këshillit mund të refuzojë një rekomandim për leje vetëm nëse konsideron se ajo nuk është në përputhje me planet hapësinore dhe urbane dhe ligjet në fuqi;
- 1.4. Këshillit i shqyrton rekomandimin për leje, dhe e informon Komunën për pëlqimin ose refuzimin nga ana e tij brenda 15 ditësh;
- 1.5 Komuna i shqyrton rekomandimet e Këshillit në të gjitha rastet;
- 1.6. Nëse Këshillit nuk përgjigjet brenda 15 ditësh, konsiderohet se rekomandimi i Komunës ka marrë pëlqimin nga Këshillit.

Pika 1.3 u kundërshtua nga **Liburn Aliu**.

Amendamenti 9

Neni 10, paragrafi 1, rreshti i parë, fshihen fjalët “**me vota**”.

Paragrafi 2, në fund fshihen fjalët “**me Propozimin Gjithëpërfshirës për Zgjidhjen e Statusit të Kosovës dhe me**”.

Gjatë ditës ka arritur shkresa e përmirësuar nga Qeveria lidhur me amendamentet në Projektligjin për Hoçën e Madhe, në bazë të së cilës u hartuan amendamentet e lartcekura.

Nesër komisioni vazhdon me shqyrtimin e Projektligjit për Prizrenin.

Mbledhja e komisionit përfundoi në orën 15,00.

Përgatitur nga:

Njësia për Mbështetjen e Komisionit

Kryetari i Komisionit,
Nait Hasani